



南巡盛典

祀典

卷六十六卷六十七

784  
1.199  
27





74  
卷



南巡盛典卷六十六

祀典

乾隆二十二年

遣戶部左侍郎兼順天府府尹劉綸致祭  
先儒毛萇文

惟漢毛氏學綜六義緒振三家承卜子夏之  
薪傳源流獨正啟鄭康成之箋釋授受彌長  
遂使訖雅揚風人識尊經之力實賴旁搜遠  
紹家崇稽古之功朕清蹕時巡緬懷曩哲揚



休聲於邑乘允矣譽重河間考遺傳於儒林  
不愧官稱博士爰深景慕式薦苾芬靈而有  
知尚其來格

乾隆二十二年

遣協辦大學士戶部尚書蔣溥致祭

先師孔子文

惟

先師德備時中功參化育紹心源於往代祖述憲  
章傳道統於後人贊修刪定金聲玉振集羣  
聖之大成觀海登山爲生民所未有儀型萬  
古若日月之莫可踰秩祀千秋與乾坤而俱  
不朽朕言循東魯再蒞南邦釋奠而謁杏壇



屈指甫週乎一歲揚旌而瞻闕里抒誠用遣  
乎專官敬薦明禋式遵舊典宮墻遙望彌深  
仰止之情俎豆常新永啟右文之治  
神其鑒格庶克來歆

乾隆二十二年

遣工部尚書秦蕙田致祭

元聖周公文

惟

公道纘三王功敷四國仰思待旦勤勞端赤舄  
之容旁作迓衡忠孝發金縢之冊繫辭二象  
善述西郊制禮六官獨推冢宰所其無逸陳  
皇德於民功迄用有成覲文光於天命懋昭  
自昔美報於今朕時邁南邦道遵東國歌鱗



魴於九罭尚想袞衣奠粢鬯以二卣聿昭元祀稽於祭典特命耑官格子馨香

神其歆鑒

乾隆二十二年

遣禮部左侍郎介福致祭

東嶽岱宗文

惟

神造化鍾靈奎婁應象覽衆山而莫並氣蓋坤維冠五岳以稱尊位符震始風雲吐納崇朝彰布濩之功神秀氤氳庶類荷育成之德朕省方南土駐蹕東邦挹瑞靄於天門曾登峻極望祥光於日觀式賴洪庥用遣專官載申



秩祭

神其來格尚克歆承

乾隆二十二年

遣戶部尚書蔣溥致祭

金龍四大王文

惟

神職主洪河秩尊水伯揚靈利涉徵故老之舊  
 聞捍患禦災合先王之祀典惟正氣本侔於  
 河嶽歿為明神而餘威永芘於江淮祭咸受  
 福朕省方南土清蹕河壖望玉舳之連檣胥  
 憑靈佑撫金堤之下隄式賴豐功用遣專官



載陳牲醴

神其來格尚克歆承

金路四大玉文  
靈風清尚香  
算到二十二年

乾隆二十二年

遣工部尚書秦蕙田致祭

河瀆文

惟

神象昭天漢源出崑崙分九道於中州潤逾萬  
里滙百川而東注瑞應千年行地安瀾實賴  
靈長之德通漕轉粟兼資利濟之功朕稽古  
時巡殷心相度撫蒸民之粒食長思德水之  
靈源舉彝典於祭川默冀神明之幽贊敬伸



芬苾用答鴻庥  
神其來歆鑒茲秩祀

聖駕臨河東主海嶽千華  
嶽嶽天窮出泉崙長  
嶽嶽中洲開

淮瀆文

遣工部尚書秦惠田致祭

乾隆二十二年

遣戶部侍郎劉綸致祭

淮瀆文

惟

神派衍清源澤流南國合泗沂而順軌慶協安

瀾並河濟以稱尊勢均靈瀆恬波映日三川

成疏滌之功遠浦澄天百穀得阜成之益朕

時巡江國駐蹕淮壖通海岸之春潮信不愆

於朝夕刷河流之新漲惠永被乎東南用遣

南巡盛典



專官載陳芬苾

神其來格鑒我明禋

乾隆二十二年

遣工部侍郎錢維城

諭祭原任河道總督靳輔齊蘇勒嵇曾筠文

爾等功在河渠惠流淮甸勤勞集事副廟堂

善任之明擘畫抒才奏澤國安瀾之慶闡中

河以利運允合機宜閱兩汛以周防永堅捍

築朕巡行河滸眷念勞臣問功德之及民茲

其人矣較潘徐之成績殆莫遜焉式薦苾芬

用垂嘉獎靈其不昧尚克歆承



遣戶部侍郎劉綸致祭  
 江瀆文  
 惟  
 神派引雙流秩尊四瀆乾坤維於東別導源井  
 絡之精表天塹於南條輸委斗牛之野長川  
 善下不擇細流望海朝宗如歸皇極衛六飛  
 而利涉波靜黃龍應七政而效珍氣呈紫貝  
 朕時巡南國重覽江臯念明德之靈長濫觴

乾隆二十二年

遣戶部侍郎劉綸致祭

江瀆文

惟

神派引雙流秩尊四瀆乾坤維於東別導源井  
 絡之精表天塹於南條輸委斗牛之野長川  
 善下不擇細流望海朝宗如歸皇極衛六飛  
 而利涉波靜黃龍應七政而效珍氣呈紫貝  
 朕時巡南國重覽江臯念明德之靈長濫觴



自遠對安流之浩蕩淨練如初特遣專官用  
修祀典

神其昭格妥此明禋

乾隆二十二年

遣工部侍郎錢維城

諭祭原任大學士張玉書文

惟爾功在熙朝望隆碩輔翱翔玉署文章與  
三代同風黼黻黃扉經濟則一心協德當訐  
謨於啟事克贊樞機及扈從於屬車尤資帷  
幄

聖祖念其成績降誅筆於龍文

皇考獎其舊勞加寵光於鳳詔朕江邦時邁春郭重



過緬風度於當年丹青永沐薦明禋於舊社  
黍稷非馨惟爾有靈尚其歆格

乾隆二十二年

遣工部侍郎錢維城致祭宋臣宗澤文

惟爾遇主抒忱鞠躬盡瘁抗聲射策直言元  
祐之庭仗節勤王急難靖康之季爲民請命  
不市牛黃憂國忘家甘心馬革謁高宗於跋  
涉胥濟艱難拔統制於纍囚協圖匡復視師  
河朔督諸將以同仇反正汴宮每一篇而致  
意尚想渡河之氣不隳填海之誠朕修禮名  
邦顯忠異代光爭日月遠懷不二之臣氣作



山河特表事三之義遣官致祭靈鑒惟馨

惟爾望著勾吳譽隆姬姓才而能讓高節炳  
於春秋貴而有文交誼徵於縞紵歎深觀止  
聞韶魯國之庭義重平生掛劍徐君之墓傳  
賢聲於習禮學契孔門紹芳躅於世家名標  
史氏宜馨香之弗替建祠廟而常新朕載舉  
省方夙殷尚論覽是邦之文物遙溯風流緬

乾隆二十二年

遣兵部侍郎程景伊致祭

吳季札文

惟爾望著勾吳譽隆姬姓才而能讓高節炳  
於春秋貴而有文交誼徵於縞紵歎深觀止  
聞韶魯國之庭義重平生掛劍徐君之墓傳  
賢聲於習禮學契孔門紹芳躅於世家名標  
史氏宜馨香之弗替建祠廟而常新朕載舉  
省方夙殷尚論覽是邦之文物遙溯風流緬



昔日之儀型倍增嚮慕肅將禮祀尚克歆承

乾隆二十二年

遣兵部侍郎程景伊

諭祭原任戶部尚書趙申喬文

惟爾持躬清介蒞事精勤治行卓爾於中州  
賢聲籍甚於郎省鳩工海岸視潮成保障之  
功移節湘江率屬砥公廉之節入司風紀峻  
望式瞻久領地卿通才克懋朕載巡江左道  
過毘陵聿深眷舊之懷式展旌賢之典光榮  
允賁奠醊用頒爾靈有知尚克歆享



*[Faint bleed-through text from the reverse side of the page, including characters like '乾隆二十二年' and '遣兵部侍郎程景伊']*

乾隆二十二年

遣兵部侍郎程景伊

諭祭原任巡撫潘思榘文

承流布化蓋臣之政績常昭念舊褒功盛代  
之恩施弗替馨香式賁竹冊永光爾潘思榘  
端謹律躬勤勞供職木天翔步譽早重於清  
華雲署趨踰才更優於繁劇初膺守牧丕炳  
循聲洵歷監司益堅忠悃晉秩克承夫臬事  
祥刑懋著於粵邦疊荷絲綸廣甸宣於兩浙



南巡盛典 卷六十六  
爰邀節鉞沛惠澤於八閩彌彰撫馭之猷勿  
懈靖共之志朕重巡南國駐蹕江城緬典祀  
於賢良特崇祠宇攬地靈於閭里載錫几筵  
欽此明禋承予隆眷

乾隆二十二年

遣散秩大臣副都統懋烈伯李景致祭

先賢言子文

惟爾秀毓東吳教開南國從遊觀上聞型仁  
講讓之風出宰武城本愛人易使之訓守知  
能而識學源於道辨品節而知禮制乎情朕  
稽古時巡心懷賢哲夙仰絃歌之化益欽文  
學之宗訪宅里以非遙命具官而薦饗靈其  
昭鑒妥此明禋



遣散秩大臣副都統懋烈伯李景致祭宋臣韓  
 世忠文  
 惟爾豪俠傳家公忠成性受詔書而感泣力  
 保危疆辨冤獄而激昂心排和議戰皆克敵  
 以大儀之功為最高業定中興實建炎以後  
 所未有朕時巡江浙緬想風徽鎖甲空存義  
 勇識將軍之號穹碑猶在清涼留居士之名  
 瞻廟宇以非遙飭有司而薦饗靈其昭鑒尚

乾隆二十二年

遣散秩大臣副都統懋烈伯李景致祭宋臣韓

世忠文

惟爾豪俠傳家公忠成性受詔書而感泣力  
 保危疆辨冤獄而激昂心排和議戰皆克敵  
 以大儀之功為最高業定中興實建炎以後  
 所未有朕時巡江浙緬想風徽鎖甲空存義  
 勇識將軍之號穹碑猶在清涼留居士之名  
 瞻廟宇以非遙飭有司而薦饗靈其昭鑒尚



南巡盛典 卷六十一  
克來歆

乾隆二十二年

遣工部侍郎錢維城致祭宋臣范仲淹文

惟爾學通經術名震邊陲表先憂後樂之心  
艱難任已守內剛外和之素志操過人綏輯  
諸羌奠危疆於磐石疏陳十事垂讜論於簡  
編秉信克孚屬國識龍圖之號褒賢擅美穹  
碑留馬鬣之封朕稽古南巡有懷芳烈安貧  
贍族粹然儒者之家風給餉疏湖溥矣仁人  
之惠澤飭有司而薦饗瞻廟宇以非遙靈其



有知尚其歆格

惟爾行已端方服官敬慎出參方伯聿覘經  
 濟之才入試鴻詞允稱淹通之選撫吳會而  
 正躬勵俗清德可風蒞卿班而潔已宣勞醇  
 修益懋朕時巡南國蒞止名邦溯遺愛於民  
 間曾傳激濁揚清之治定義名於祀典猶聞  
 黜邪崇正之風爰飭有司薦馨毋怠靈其不  
 謬工陪於順變錄其延祭宋引於中節文  
 算對二十二平

乾隆二十二年

遣戶部侍郎劉綸

諭祭原任禮部尚書湯斌文

惟爾行已端方服官敬慎出參方伯聿覘經  
 濟之才入試鴻詞允稱淹通之選撫吳會而  
 正躬勵俗清德可風蒞卿班而潔已宣勞醇  
 修益懋朕時巡南國蒞止名邦溯遺愛於民  
 間曾傳激濁揚清之治定義名於祀典猶聞  
 黜邪崇正之風爰飭有司薦馨毋怠靈其不



昧尚克歆承

乾隆二十二年  
諭祭原任禮部尚書張伯行文  
惟爾砥礪清操敦崇實踐佩儒先之訓務日  
省以持躬凜冰蕪之箴矯雷同而任職河壩  
佐理績奏安瀾閩海宣猷人知嚮學使節旋  
移於南國惠愛風行卿班遂晉夫春曹寅清  
望著朕輿蹕所至茂典聿昭緬舊碩以興懷  
錫苾芬而賁寵爾靈不昧庶克歆茲

乾隆二十二年

遣戶部侍郎劉綸

諭祭原任禮部尚書張伯行文

惟爾砥礪清操敦崇實踐佩儒先之訓務日  
省以持躬凜冰蕪之箴矯雷同而任職河壩  
佐理績奏安瀾閩海宣猷人知嚮學使節旋  
移於南國惠愛風行卿班遂晉夫春曹寅清  
望著朕輿蹕所至茂典聿昭緬舊碩以興懷  
錫苾芬而賁寵爾靈不昧庶克歆茲



乾隆二十二年  
 遣戶部侍郎劉綸  
 諭祭原任河道總督陳鵬年文  
 惟爾種學克優負才特異稱親民之職訓俗  
 勸農裕治劇之能發奸摘伏屢邀湔雪皆由  
 特達之知兩預編摩雅擅博綜之譽始宣猷於近輔  
 遂總理夫全河當官有守正之風建議奏安  
 瀾之績朕再巡南國言蒞三吳聽輿誦之未  
 諼眷懷芳躅命禮官而致祀式沛榮施爾靈

乾隆二十二年

遣戶部侍郎劉綸

諭祭原任河道總督陳鵬年文

惟爾種學克優負才特異稱親民之職訓俗

勸農裕治劇之能發奸摘伏屢邀湔雪皆由

特達之知兩預編摩雅擅博綜之譽始宣猷於近輔

遂總理夫全河當官有守正之風建議奏安

瀾之績朕再巡南國言蒞三吳聽輿誦之未

諼眷懷芳躅命禮官而致祀式沛榮施爾靈



有知庶幾歆格

乾隆二十二年

遣工部侍郎錢維城致祭

吳泰伯文

惟爾善承先志克振家聲慶篤姬宗緒陰貽  
於文武心存商祚境難處於夷齊採藥而入  
荆蠻爰偕同氣端委而治周禮聿紹雄圖名  
稱雖泯於當時流芳雅詠秩祀常欽於後代  
殷薦馨香朕南國重巡東吳載蒞緬懷至德  
尚稽三讓之遺踪遥溯高風實啟千年之文



教式循舊典用展明禋惟以歆承庶其昭格

乾隆二十二年

遣散秩大臣副都統懋烈伯李景致祭

禹陵文

惟

王德擅聖神功昭奠定惟精惟一心傳獨接於見  
知克儉克勤盛烈聿彰於亮采奏刊木隨山  
之績乃注海而導河布任土作貢之猷遂東  
漸而西被九川既滌垂四載之奇勲三壤咸  
均建百王之大法遐溯錫圭之躅長留窆石



之封朕稽古制以省方繩

祖武而時邁重經臨於吳越益緬想夫典謨闕殿依然映空庭之橘柚橋山在望連遠陌之菁茅爰設几筵用陳籩豆靈其昭鑒享此明禋

乾隆二十二年

遣散秩大臣副都統懋烈伯李景致祭

南鎮會稽山神文

惟

神德凝艮止位宅離明毓秀鍾奇應文星於斗野出雲降雨表鉅鎮於揚州生靈咸被其休祥井邑爰徵其康阜秩祀宜嚴於殷薦几筵肇舉夫馨香朕清蹕錢江再行春省念茲名山之障衛特重東南聿申盛典之輝煌肅將



蘋藻

神其昭鑒佑我烝黎

乾隆二十二年

遣散秩大臣昭毅伯永慶致祭

海神文

惟

神惠安南紀奠定東瀛德著朝宗翕受用承乎  
 百谷功歸潤下灌輸兼利乎三農嘉清晏之  
 蒙休滄波久靖念閭閻之托庇報饗宜虔朕  
 法古觀風載臨浙水睹此安瀾之有慶益徵  
 神貺之無涯于豆于登稽舊儀而勿替以妥以



侑當時邁而彌殷尚冀居歆永綏兆庶

乾隆二十二年

遣散秩大臣昭毅伯永慶致祭唐臣陸贄文

惟爾才堪經世忠可格君啟沃謀猷言不離  
乎道德敷陳利弊論深切於事情草詔而曲  
中於機武人感泣輔政而不負所學天子改  
容雖運值艱危不能同房魏爭烈而志殷匡  
濟實已與伊說齊衡朕載蒞浙江重臨湖滸  
訪宣公之里宅遺趾常新披內相之封章小  
心如揭用申禋祀特遣專官惟爾有靈庶其



歆饗

乾隆二十二年

遣工部尚書秦蕙田致祭唐臣錢鏐文

惟爾祥鍾天目秀毓臨安當運會之艱虞爰  
 舉兵於浙右為生民之扞衛乃開府於浙東  
 智勇克兼遂定羅平之寇撫循有術克成安  
 國之軍弩放水犀想射潮之餘烈袍加玉帶  
 酬拓地之成勞功名既表於當年勲績猶昭  
 於奕世朕屬車重蒞

祖武是繩問衣錦之舊營英風宛在訪表忠之古觀



勝蹟堪懷特命專官載陳隆禮靈其來格饗  
是明禋

乾隆二十二年

遣戶部侍郎劉綸致祭宋臣岳飛文

惟爾毓秀中州樹勳南宋早嫺韜畧妙運用  
於一心匡濟艱難奮雄威於百戰馭士而人  
思效命紀律申嚴撫民而衆盡來歸功名彪  
炳九原可表精忠報國之忱千載猶生慷慨  
渡河之志朕重巡浙境再歷湖湄溯遺蹟於  
史書英風如在妥幽靈於秩祀正氣長伸歆  
此苾芬昭茲典禮



乾隆二十二年

遣戶部侍郎劉綸致祭明臣于謙文

惟爾南邦潔士勝國名臣出建旌麾已見經  
文而緯武入叅帷幄彌彰憂國而忘家當時  
事之艱危藉長才爲保障陳師鞠旅從容定  
敵愾之謀草檄飛符慷慨著守陴之烈雖奇  
功暫屈於當日而定論終炳於千秋朕載舉  
省方緬懷遺躅丹心青史忠魂猶傍夫靈潮  
碧瓦朱旗社屋長留於勝地載陳牲醴爰布



几筵禮有攸隆靈其用饗

遣工部尚書秦蕙田

乾隆二十二年

諭祭原任吏部尚書徐潮文

佐熙朝而交泰贊襄端藉於臣鄰頌闔澤以

酬庸饗祀特崇於典禮述稽令式宜薦馨香

爾徐潮端謹持身寅恭盡職早登詞苑蔚成

華國之才洵歷京卿用展經邦之畧由秋官

而出秉節鉞兩河並效旬宣典計部而擢領

銓曹九列咸欽恪慎令聞丕著徽猷既懋於

南巡盛典



朝班遺澤長留祠宇猶新於里黨用申綸綍  
爰布几筵歆是新恩靈其來格

諭祭原任大學士徐本文  
酬庸誼重茂典必逮於舊臣眷昔恩施禋祀  
聿隆於良佐爾原任大學士徐本清白傳家  
慎勤奉職由藝苑而晉秩勞勩夙効夫編摩  
自屏翰而秉麾敷歷旋周乎中外守兢兢之  
儉德祇凜素絲嚴翼翼之小心不言温樹綸  
扉參贊承密勿以宣猷珂里優游遂頤和以

乾隆二十二年

遣工部尚書秦蕙田

諭祭原任大學士徐本文

酬庸誼重茂典必逮於舊臣眷昔恩施禋祀  
聿隆於良佐爾原任大學士徐本清白傳家  
慎勤奉職由藝苑而晉秩勞勩夙効夫編摩  
自屏翰而秉麾敷歷旋周乎中外守兢兢之  
儉德祇凜素絲嚴翼翼之小心不言温樹綸  
扉參贊承密勿以宣猷珂里優游遂頤和以



終老雖易名之早被惟崇祀之未膺朕重幸  
南邦眷茲清節著濟美以風有位賢良式紹  
夫箕裘務徵實以表前修肸蠶永光夫俎豆  
爾靈不昧尚克來歆

備祭服升大學士翁本文  
散工時尚書張惠田

乾隆二十二年

遣散秩大臣昭毅伯永慶致祭

明太祖文

維

帝英姿首出雄畧如神起濠泗而乘時丕建安民  
之策奠寰瀛而垂統聿彰創制之謨治定功  
成修人紀而澄吏治禮明樂備崇正學而禮  
者儒仰茂績之流傳式煥鴻名於史冊攬故  
宮之典物長昭靈爽於園陵朕載蒞南邦欽



承

祖訓親臨鍾阜躬薦樽醪殿宇常新緬勝國開基之

烈松楸勿剪見我朝

列祖之仁秩祀既將溯懷彌切

靈其鑒格歆此明禋

乾隆二十二年

遣散秩大臣副都統懋烈伯李景致祭晉臣卞

壺文

惟爾累世榮名一門亮節清裁任職不辭瓦石之譏正色立朝足懾駑疴之氣常力爭夫禮教不苟附於風流方典午之邁屯值峻克之逞逆昭其果毅既卽戎而忘身濟以忠貞遂見危而授命正氣所萃義烈攸彰朕再蒞南邦言經鍾麓覩崇祠之在望式念遺芳命



秩祭於所司載申酌奠靈其歆格享此苾芬

壺文

乾隆二十二年

遣散秩大臣副都統懋烈伯李景致祭宋臣曹

彬文

惟爾篤生燕境被澤吳邦早淳厚以居懷夙  
清廉而飭行洵可謂靖共守位文武兼資者  
矣至于金陵平定之功非徒謙德不矜之譽  
惜一城之生聚忍卽虔劉誓諸將以焚香迄  
無肆刃祇此體天之寸念允宜馨俎於茲疆  
朕重蒞江壖載昭祭典靈旗風雨尚降福於



春人近社雞豚永薦芬於秋稼肅然來止以  
克歆承

...

遣大理寺卿七達色致祭明臣徐達文

乾隆二十二年

惟爾謀畧崇深忠誠昭著佐興王之盛業戰  
勝無前定開國之鴻猷勛高不伐敬慎矢於  
夙夜居邀舊邸之榮禮遇冠於臣僚坊有大  
功之號單車就舍晚節彌彰賜券分茅龍光  
勿替朕鑾車載蒞鍾阜重登攬龍蟠虎踞之  
雄緬風雲而如昨溯附翼攀鱗之績宜俎豆  
之常馨惟爾有靈庶其歆格



遣大理寺卿七達色致祭明臣常遇春文  
惟爾奮興草澤懋建勲庸當遇主於和陽已  
抱濟時之畧暨立功於采石聿彰克敵之奇  
摧吳漢之勁兵每衝堅而陷銳定河洛之重  
地常決策而運籌裂土分茅洵酬勞之罔愧  
銘鐘勒鼎爰紀績於無窮朕載蒞南邦式循  
祖武顧茲鍾阜見祠墓之猶存重舉明禋展馨香於  
勿替靈其來格尚克居歆

乾隆二十二年

遣大理寺卿七達色致祭明臣常遇春文

惟爾奮興草澤懋建勲庸當遇主於和陽已  
抱濟時之畧暨立功於采石聿彰克敵之奇  
摧吳漢之勁兵每衝堅而陷銳定河洛之重  
地常決策而運籌裂土分茅洵酬勞之罔愧  
銘鐘勒鼎爰紀績於無窮朕載蒞南邦式循  
祖武顧茲鍾阜見祠墓之猶存重舉明禋展馨香於  
勿替靈其來格尚克居歆



乾隆二十二年

遣散秩大臣副都統懋烈伯李景致祭明臣方  
孝孺等一百一十八人文

穹壤之存忠義綿歲月而逾新豆籩之妥神  
明媿旂常而勿替爰昭鉅典亦遣專官維爾  
方孝孺等間代鍾英同時聚俊屬明邦之肇  
造邁靖難以艱貞各守秉彝祇誓心以不二  
俱扶陽德洵報主而靡他斧鑕甘之如飴綱  
常重之若鼎凜然生氣豈人謀之弗臧灼厥



先幾奈天意之有在嗚呼龍攀鳳附不儕十  
廟於鷄鳴玉潔霜晶自壯千秋於木末朕重  
巡江國特畀禮宗薦以藻芳靈其歆只

幸濬等一百一十八人

乾隆二十二年

遣大理寺卿七達色致祭明臣李文忠文

惟爾勲高往代位冠親臣宣力推誠克炳元  
戎之績敦詩說禮聿昭儒將之風遇大敵而  
益壯其猷懷雄畧而莫窺其際御衣寵錫論  
功最顯於新城世券優頒列爵特崇於曹國  
拊循有道軍中之紀律綦嚴轉戰無前塞外  
之威聲屢著輔鴻圖於當日隆秩祀於今茲  
朕載蒞南邦式遵舊典考岐陽之偉烈名亞



徐常訪盱眙之軼聞學師胡范爰陳芬苾用  
示褒榮靈兮有知欽哉來格

乾隆二十二年

遣兵部侍郎程景伊

諭祭原任兩江總督于成龍文

惟爾才畧優長操持廉潔早膺民社之任已  
著循良歷邀節鉞之榮彌懷敬慎撫綏畿甸  
敷八郡之恩威節制東南清兩江之吏治朕  
時巡南國蒞止名邦覽奠定於河渠當年實  
勤於王事聽謳思於閭里至今猶頌其遺芬  
爰飭有司聿修祀典靈其不昧尚克歆承







奉旨禮部侍郎介福致祭  
 遣禮部侍郎介福致祭  
 先師孔子文  
 觀民設教化有淵源崇德報功禮隆秩祀載  
 輶舉四巡之典允懷百世之師維  
 先師德建儒宗道垂帝範五百歲聞知相接繼往  
 開來二千年教澤如新經天緯地朕欽承治  
 法夙秉鴻規仰溯心傳緬思遺訓聆八音於  
 孔壁前曾再謁東山輯五瑞於虞書今值三

乾隆二十七年

遣禮部侍郎介福致祭

先師孔子文

觀民設教化有淵源崇德報功禮隆秩祀載

輶舉四巡之典允懷百世之師維

先師德建儒宗道垂帝範五百歲聞知相接繼往

開來二千年教澤如新經天緯地朕欽承治

法夙秉鴻規仰溯心傳緬思遺訓聆八音於

孔壁前曾再謁東山輯五瑞於虞書今值三



臨南國疆餘鄒魯采風而儒俗猶存地介青  
徐接壤而

聖居特近載展精禋之薦用申向往之誠敬遣專  
官惟

神昭鑒

於神其于文

豐甄時卦順介福延祭

算對二十十年

南巡盛典卷六十七

祀典

乾隆二十七年

遣禮部侍郎介福致祭

元聖周公文

維

公運翊成周望隆家相幽風七月溯積累忠厚  
之基周禮六官昭黼黻昇平之績念民依於  
稼穡無逸陳書揭理奧於天人爰詞衍象本



揚烈觀光之義備治功道法之全朕時邁南  
邦路經東國龜蒙鳥嶧緬遺蹟以猶新赤舄  
繡裳溯流風而宛在爰稽祀典特遣專官用  
薦馨香尚希

昭格

乾隆二十七年

遣協辦大學士武毅謀勇公兆惠致祭

東嶽岱宗文

惟

神位鎮東方望隆羣嶽根盤地軸環九點之青  
山氣接天門捧一輪之赤馭煥星文於日觀  
玉檢瑤函披翠色於仙閭秦松漢柏是非特  
出雲降雨常仰神功抑亦惟毓秀鍾靈首稱  
巨鎮朕省方吳會取道青齊念前此之時巡



又六年而一過稽古來之望秩剛二月之將  
臨特遣專官用申虔祀  
神其來格式此居歆

乾隆二十七年

遣內閣學士雙慶致祭

河瀆文

惟

神象應銀河流經玉塞兩源分注靈長表德水  
之符九曲安瀾順軌奏瀆宗之績駛千里之  
竹箭休氣常昭靜三月之桃花長堤永固朕  
時巡載舉相度維勤撫襟帶之洪波利濟長  
垂於潤物恪懷柔之殷薦彝典特重於祭川



神其來臨鑒茲秩祀

乾隆二十七年

遣內閣學士雙慶致祭

淮瀆文

惟

神濬源桐柏交會泗沂分醴水以東行潛流伏  
地出荆山而北注遠浦澄天派衍清泉敵黃  
水以資捍禦軌循靈瀆趨海若而順朝宗朕  
南國載巡淮壖停蹕春潮候應永垂利涉於  
川涂夜月波明共效安瀾於河濟敬抒忱悃



用遣專官

神其來歆鑒此禋祀

遣內閣學士雙慶致祭

乾隆二十七年

遣內閣學士雙慶致祭

江瀆文

惟

神派紀坤維靈昭坎德引雙流而積潤西導岷

山長四瀆而居尊東朝渤澥金焦丹翠天浮

曳鷺之濤吳楚青蒼地入牽牛之野潮平蒜

渡安瀾夙荷夫

神功風靜瓜洲利涉長蒙夫



南巡盛典 卷六十七  
靈佑朕省方澤國取道江臯雪浪春融載濟南  
條之水雲帆曉發遙臨北固之封對千里之  
澄波良欣翊贊修四巡之茂典式展懷柔特  
遣專官用申殷薦  
神其昭格歆此明禋

乾隆二十七年

遣散秩大臣永福致祭

海神文

惟

神靈毓東瀛惠茲南服潮真有信式彰日母之  
神海不揚波永奠天吳之宅峯連龕赭乾坤  
軒豁其端倪水界桐廬子午均調夫節候金  
堤鞏固丕荷

鴻庥貝闕澄清允懷



南巡盛典 卷六十一  
顯佑朕時巡越國載覽胥江萬頃鎔銀天淨魚  
龍之氣一奩皎鏡岸融梅柳之春俾展馨香  
用酬利濟山川望秩稽舊典於虞書河岳懷  
柔協彝章於周頌  
神其昭格歆此苾芬

乾隆二十七年

遣禮部侍郎介福致祭

禹陵文

惟

王精一傳心平成底績九州旣奠三壤垂禹貢之  
書四海攸同萬國肅塗山之會故元圭之錫  
統克紹夫中天而文命之敷澤還流於奕世  
朕時巡吳越載覽山川撫繡甸之昫昫永懷  
明德望



南巡盛典 卷六十一  
佳城之鬱鬱彌仰

神功爰申瞻拜之誠特致几筵之奠  
靈其昭格鑒此苾芬

乾隆二十七年

遣禮部侍郎介福致祭

南鎮會稽山神文

惟

神肇始防山表茲越岫考畫疆於禹績早著名  
區溯分野於周官聿崇巨鎮出雲降雨揚千  
巖萬壑之靈東箭南金孕兩浙山川之秀上  
應星文於斗野遠稽勝地於揚州茲當時邁  
之初聿致薦馨之典朕以斗杓方轉鑿輅三



巡用展明禋仰

名祇之昭格敬修殷薦惟秩祀之遙申尚其居

歆感茲芬苾

乾隆二十七年

遣輔國公永瑋致祭

明太祖文

維

帝英姿邁世大勇安民采石揚帆運啟興王之祚

金陵定鼎謨傳祖訓之書溯開國之規模神

功宛在覽故宮之典物靈爽猶存朕時邁江

邦載臨鍾阜松楸勿剪長體

累朝忠厚之心丹蘄有加益思勝代創垂之績特申



奠醑用達悃忱

昭鑒有靈馨香是格

神職主洪河秩尊水伯天入房心之野萬頃波  
澄地當汴泗之交百川練淨惟澤國久資夫  
保障功在生民而崇祠聿建於蕭豐馨惟明  
德朕河防特重清蹕載臨念昨冬充豫之安  
瀾膚功迅奏覩今日江淮之利涉靈佑孔多

乾隆二十七年

遣戶部尚書果毅公阿里袞致祭

河神文

惟

神職主洪河秩尊水伯天入房心之野萬頃波  
澄地當汴泗之交百川練淨惟澤國久資夫  
保障功在生民而崇祠聿建於蕭豐馨惟明  
德朕河防特重清蹕載臨念昨冬充豫之安  
瀾膚功迅奏覩今日江淮之利涉靈佑孔多



特遣專官用申虔祀

神其來格式此居歆

乾隆三十年

遣禮部左侍郎雙慶致祭

先師孔子文

學開萬古俎豆如新道闡百王宮牆在望屬  
舉時巡之典爰修禋祀之儀惟

先師日月經天江河行地五百年間知之統獨衍  
心傳七十子悅服之誠長垂師表朕祇承遺  
訓嚮往前徽曾展謁以加虔每經行而致敬  
今值省方輯瑞四涖南邦入境觀風載遵東



道青徐接壤

聖人之宅里非遙洙泗交流道脈之淵源可溯敬  
循祀典特遣專官用薦馨香惟

神昭格

乾隆三十年

遣禮部左侍郎雙慶致祭

元聖周公文

惟

公任重懿親道隆輔相詩歌入告陳祖功宗德  
之留遺官禮成書備國計民生之至計翊興  
周於豐鎬政治洽彤庭受封魯之山川祥開青  
社朕每因巡涖特舉明禋茲四省於南邦爰  
再經乎東國采風問俗今時之禮教猶崇揚



烈觀光昔日之謨猷俱在再展馨香之薦用  
申秩祀之誠特遣專官尚希

敬格

乾隆三十年

遣御前侍衛工部右侍郎五福致祭

東嶽岱宗文

惟

神位崇五嶽秩視三公星應奎婁表東方以作  
鎮雄連齊魯司太昊而効靈氣接九霄照耀  
麗方升之日潤滋千里網緼流膚寸之雲仰  
神府之崔嵬秀鍾造化紀仙閭之秘奧道協  
陰陽朕時邁南邦道經東土省方屢舉卅年



承奠麗之庥秩祀爰頒二月練陽春之吉敬

陳殷薦用遣專官

神其降臨感茲芬苾

乾隆三十年

遣工部侍郎五福致祭

河瀆文

惟

神銀漢分支崑崙衍派路通博望探九曲之靈  
源瑞紀榮光得中央之正色過大伾而南注  
九秋平竹箭之波會淮瀆以東趨三月靜桃  
花之水溯導川於禹貢猶傳疏瀹之功稽裒  
對於周詩式協懷柔之應朕載巡江國永念



南巡盛典 卷六十一  
河防相度不憚夫再三咨諏徧及於臣庶撫  
金隄之鞏固績奏安瀾乘畫舸以邁行功垂  
利濟爰舉先河之祭用申昭告之忱  
神其來歆鑒茲秩祀

乾隆三十年

遣工部侍郎五福致祭

淮瀆文

惟

神源沂胎簪派連潁泗澄湖鋪練注清口以達  
雲梯激溜轟雷會黃流而趨滄海通舟航於  
南北遠岸潮平作襟帶於楚吳廻波月映勢  
均江漢實稱靈瀆之宗州界徐揚允協安瀾  
之應朕巡方時舉清蹕重臨相高堰之隄防



益念節宣之效撫淮壩之繁庶永懷利濟之  
功靈貺既洽於懷柔鉅典宜崇夫望秩爰申  
昭告特遣專官陳此苾芬

神其鑒格

乾隆三十年

遣工部侍郎五福致祭

江濱文

惟

神坎德耀靈南條効順導岷江而敷澤萬里長  
清注瀛海以無虧千年永奠鏡光啣日分蒼  
翠於金焦銀浪浮空寫澄清於吳楚鯨波偃  
息久荷

神庥瓜渚安瀾恒昭



南巡盛典 卷六十一  
靈佑朕時巡載舉清蹕遙臨雲旗照曳鷺晴濤  
春光正麗天蹕駐牽牛分野江水如油茂典  
聿修克繼省方之烈苾芬殷薦用酬利涉之  
功特遣專官肅將俎豆  
神其昭格歆此几筵

乾隆三十年

遣禮部侍郎雙慶致祭

禹陵文

惟

王精一傳心隨刊著績江淮河漢極四載之憂勤  
癸甲辛壬紀八年之荒度其魚旣免元圭載  
錫於中天乃粒殷歌明德遙傳於萬禩朕四  
巡南服展望稽山撫繡甸之昫昫仰

橋陵之肅肅鬱千年之風雨尚鎖梅梁瞻古屋之



龍蛇空藏金簡爰致菁茅之薦用申玉帛之

陳

神其鑒茲格思無斁

謝

禹刻文

靈甄時卦順雙輿延祭

乾隆三十年

乾隆三十年

遣禮部侍郎雙慶致祭

南鎮會稽山神文

惟

神鎮表揚州靈鍾越岫占星文於牛斗名冠九

山溯勝蹟於會稽地分十道俯臨滄海控兩

浙之藩籬永奠隩區順四時之風雨南金東

箭實產瑰奇萬壑千巖互縈襟帶朕省方吳

會停蹕錢塘仰止名山經畫尙留禹蹟特隆



禮祀儀文載考周官敬飭太常遙申殷薦  
神其昭格永答鴻庥

乾隆三十年

遣工部侍郎范時紀致祭

海神文

惟

神惠普南邦靈昭東海受百川而積潤信有常  
期滙萬壑以爲宗量維並納澄光如鏡風清  
伍相之江靜影沉山日麗錢王之地  
鴻庥丕著永固金堤

顯祐常昭彌滋玉甸朕虔修茂典載舉時巡覩



南巡盛典 卷六十一  
萬頃之安瀾魚龍効順當三春之和日節候  
均調用展明禋良酬翊贊懷柔河岳誦禱允  
協乎彝章望秩山川披圖克紹夫舊典  
神其昭格式此馨香

乾隆三十年

遣簡親王致祭

明太祖文

惟

帝雄畧乘時英姿邁世起風雲於淮右天命攸歸  
定郊廓於江東大勲爰集武功丕著勛華遠  
爛圖書多士景從禮樂遂期明備豐規具在  
靈爽斯憑朕四屆南邦欽承

祖訓親臨鍾阜展事崇陵體



累朝忠厚之心樵蘇永禁緬勝國謨猷之遠廟貌翹

瞻爰啟幽宮用陳清醑

神其昭鑒式此明禋

乾隆三十年

遣工部侍郎五福致祭

河神文

惟

神職司河流位尊水府源分天上岐梁多保障  
之勲水由地中汴泗殷滋生之澤澄清萬里  
利賴實徧夫東南總會百川庇廕彌周乎豐  
沛朕時巡澤國企望崇祠覩兗豫之安瀾欣  
惟明德撫江淮之藝乂彌眷英靈特遣專官



用申祇告

神其昭格式此苾芬

臣謹按治神人和上下莫大乎祀典蓋神以  
精爽臨民聖人以至治感神五禮吉居其首  
入政祀列於三所由合陰陽微顯以懋三靈  
叶贊之治也

天子南巡聿重柴望之典維時殷禮具舉咸秩無  
文時邁四歌益虔弗懈非僅如周官冢宰八  
星畢則所馭九式所均矣傳曰聖王先成民而後  
致力於神伏念

法宮無逸所以躋海宇於時雍者已皞乎與三古



同風而

乾健時行復有雨潤日暄布濩於

星罕辰旂之下則成民之道所謂三時和豐皆有

嘉德者靡以加於此也用是率由

祖法肅將明禋於山則有

東嶽

南鎮之祀於川則有

河瀆

淮瀆

江瀆及

海神之祀於陵寢則有

夏禹王

明太祖之祀於先聖先師則有

周公

孔子之祀且自周漢以迄

本朝凡先賢名臣祠墓在

御道三十里以內者莫不載稽史牒徧錫苾芬

眷念成勞重頒奠醑祭法所制悉昭明德以薦馨



南巡盛典 卷六十一  
香休哉至矣矧夫

聖敬日躋有孚顒若并有展軫

親詣酌酒升香在

分命祠官之外者隆禮以昭格若此而羣神萬靈  
有不拱翊奔走以助

天之右序我

泰運哉爾雅所稱山曰廡縣川曰沈浮特淺之乎

言祀事也抑漢舊儀曰神皆古之人也能紀

天地五行二氣奉其功以成人也故古者以

人事之

皇上勤民而展義卽本人道以歆神一氣潛通行

於敷天哀對之際則樂揚詡慎精微此典所

以茂也雖盛世不言符瑞而諸福之物可致

之祥固莫備於含生成若萬年壽愷中矣臣

高晉恭紀



			高晉恭身	少孤同莫前	不有餘歡	不有餘歡	不有餘歡	不有餘歡	不有餘歡
--	--	--	------	-------	------	------	------	------	------

[Blank page with some stains and a small mark at the bottom left]



